

GRUNNEGER HOUKJE

VAN LEDDEROM 2000 IN DELFZIEL

Op 10 en 11 november wordt veur de twaalfde moal de Grunneger kulturele manifestatoatsie 'Van Ledderom' holden in Cultureel centrum De Molenberg in Delfziel.

Vrijdag 10 november - 20.00 uur.

Entree: f 7,50 LITERAIRE OAVEND

Noa de opening deur Jan J. Groenbroek wordt aandacht besteed aan t waark van David Hartsema, dij dit joar 75 joar wordt.

Doar wordt oet kozen deur zangeres/gitariste Lianne Abeln en gitarist Ed Wennink. n Wilma Bulhuis en Max Sietsema zellen verhoalen en gedichten veurodroagen en Jur Engels laaidt de schriever in.

Ook wordt n boukje over hom presenteed. Noa de pauze zel de vernijde Literaire Pries oetlangd worden. Aan wel, blift tot op t lest gehaaim. Bouken dij in de leste drij joar oetkommen binnen, nomineerd veur de Pries.

Dat binnen bundels van Annie van Dijken-Hooghuis, Reinder Willem Hiemstra (2x), Henk Smit, Kees Visscher en Peter Visser. Op dizze oavend moakt Janneke Snijder-Hazelhoff, veurmoaleg wetholder van Delfziel en nou Twijde Koamerlid veur de VVD, wat t winnende bouk is. Janneke Vos, verslaggeefster van Radio TV Noord, zel mit de schrievers proaten.

Zaterdag 11 november - 15.00 uur.

Entree: vergees GRUNNEGER MIDDAG

n Middag rond de presentoatsie van n biezunder bouk.

Der verschient n bundel mit hoofstukken woarvan de titel ieder moal n regel is van t 'Grönnens Laid' van Geert Teis. Wia Buze en Alje van Bolhuis zellen dat laid op biezondere menaaiern heuren loaten. Wiezer zellen n aantal lu wat meer vertellen over t leven en waark van Teis, zien toal en t tot stand kommen van t boukje. Komsoares van Keuenging, J. G. M. Alders, zel t eerste exemplaar in ontvangst nemen.

Zotterdag 11 november - 20.00 uur.

Entree: f 17,50 (begunstegers f 10,--)

GRUNNEGER OAVEND

De (haalf) Grunneger cabaretier Arno van der Heyden zel dit joar de presentoatsie verzörge van n bonte Grunneger oavend. De oavend wordt opend deur zangeres Petra Ferwerda, dij - begelaaid deur Alex Staal - t Van Ledderomlaid zingen zel. Vanzulf zellen ze in de loop van de oavend nog meer van zuk heuren loaten. De K. ter Laan-Pries is dit joar veur de organisoatsie 'Op Roakeldais', dij 35 joar bestait. Gedeputeerde Mirjam de Meijer langt de pries oet. Rondom dizze gebeurtenis treden ook de 'Grunneger Daansers' oet Zandeweer op. Muziekgroep 'Törf' slot doar op aan mit Grunneger dansmeziek en aander Grunneger laidjes. Roely Meijer van Veendam is vroagd n mooi verhoal veur te lezen.

Vanzulf is De Boukenist aanwezig mit de nijste veuroaden Grunneger bouken, spaigelploatjes en aander snuusterijen. Ook antiquariaat Vos van Appingedam zel der wezen mit n keur aan olle, voak zeldzoame bouken. Organisoatsie:

Het Grunneger Genootschop en

Stichting 't Grunneger Bouk,

Stationsstraat 11/b, 9679 EA Scheemda,

tel./fax: 0597.591125